

# Unir il Giura – lunsch davent

## In vegl conflict dura vinavant

■ **(anr) Dapi 1994 emprovan il chantun Giura ed il chantun Berna – cun agid da la confederaziun – da chattar ina via per schliar il conflict dal Giura che dura pli che 65 onns.** Alur avaiava il cussegl grond bernais refusà da surdar il departament da construcziun al cusseglier guvernativ da linguatg franzos ord il Giura. E cun quai han ils protests en il Giura entschavì che han la finala manà 1979 a la fundaziun dal chantun Giura, dentant be or dals trais districts franco-fons dal nord, fertant ch'ìls trais en il sid èn restads tar Berna. E cun quai n'era il problem betg schlià.

La primavaira passada èn il Giura bernais e la regenza dal chantun Giura s'unids sin ina emprova da schliar il problem. Tant en il chantun Giura sco

en il Giura bernais duai vegnir arranschà en il decurs da quest onn il medem mument ina votaziun (plebiscit), schebain la procedura per fundar da nov il chantun Giura, che cumpigliass tant il chantun Giura sco il Giura bernais, duai vegnir instradada. Gia oz pon ins dir ch'i na dettia persruenter nagina maioritad en il Giura dal sid. Perquai cuntegna la cunvegna anc ina segunda part. Quella astgan ins manaivel taxar sco istorica. En in segund pass duain era las singulas vischnancas pudair decider da s'unir cun l'auter chantun. Quai è vegnì acceptà da la regenza bernaisa e demussa ch'ins vul propi schliar quel conflict.

En curt è il cussegl grond bernais vidlonder da decider. La chaussa è dentant

gia sa mussada sco fitg brisanta. La pps, pbd ed edu na vulan betg lubir ch'il territori dal Giura bernais vegnia dividi. La regenza dal chantun Giura spetga, mo ha laschà savair ch'ina renunzia a votaziuns en singulas vischnancas na vegnia per ella betg en dumonda. Surlonder na vegnan ins betg a contrahar.

Duess il cussegl grond bernais torpedar il process instradà fiss quai battì fiu en l'ielì en il conflict dal Giura. Ils separatists en il Giura bernais profitassan. Ed ins stuess chattar da nov ina schliaziun. Che la votaziun en il senn previs savess avoir lieu n'è betg probabel. Na lubir a las vischnancas pertutgadas il dretg da pudair decider per l'auter chantun avess sco consequenza ch'ina schliaziun fiss pli lunsch davent che mai.